

PAGINA TRES

ESAKI TA HISTORIA DI CARNAVAL, E historia di Carnaval di Aruba

Durante e ultimo simiannan aki, nos a presenta diferente charla y informacion tocante nos Carnaval. Awe Carnaval Comité Aruba tin e placer di presenta un resumen completo di e festividadnan durante e dianan di Carnaval, contando cu cooperacion di pueblo en general, y especialmente cu e Reinanan y nan escorte, tanto como e participacion di e graniboso Parada General di Domingó di 20 di Februari proximo.

E programa oficial di Carnaval Comité Aruba lo cuminsa Diasabra merdia 3'or y mei cu un parada di Prins Carnaval y su escorte door di Oranjestad, yegando na cas di Sr. Gezaghebber unda Prins lo tuma mando di nos isla pa e dianan di Carnaval for di Gezaghebber, simboliza pa e entrega di e yabi simbolico di Aruba.

Despues di es acto aki e Prins y su escorte lo pasa den cayan di Oranjestad den autonan convertible obsequia pa diferente agencianan di auto, pa duna Pueblo chens di conoce y aplaudi Prins CASPARTO I, e hefe nobb di nos Isla durante e dianan di Carnaval. Pa mas o menos 5'or y mei nos Prins di Carnaval y escorte lo

ta na un banquete ha Strand Hotel, obsequia pa Sr. Ch. Némie. Na terminacion di es banquete real aki, Casparto I y escorte lo dirigi nan via diferente pueblonan di Aruba pa San Nicolas, unda e Prins lo duna bienvenida na e Reinanan di Carnaval den Lago Sport Park unda Prins lo habri e ceremonianan oficial pa eleccion di e Reina di Aruba.

E mes dia aki, esta Diasabra anochi pa 7'or y mei e candidatanan pa Reina di Aruba lo llega Lago Sport Park, acompaña di nan corte di honor. E Reinanan aki lo ta bisti na evening dress, cargando un cinta cu e number di e Organizacion cu nan ta representa. Publico ta worde suppli-

ca pa sigi ordunan di polis estrictamente y pa duna debida consideracion na e posicion Real di e Reinanan y di procura pa tur cos bai na ordu.

Nos kier pidi encarecidamente na publico en general di no pasa ariba e tereno abierto di Lago Sport Park, cual ta reserva estrictamente pa e Reinanan, e Jueznan y otro colaboradornan oficial di e ceremonia. E tribuna lo tin lugar reserva pa invitadonan Real y Oficial. Eleccion di Reina di Aruba lo wordu habri 8'or en punto cu Wilhelmus.

Ora banda caba di toca nos himno Nacional, Prins Casparto I cu su Ayudante personal y escolta pa e Carnaval Comité Aruba lo haci su entrada oficial riba tereno di Lago Sport Park. Riba e plataforma di e Reinanan Prins Carnaval lo dirigi palabra na henter Pueblo di Aruba. Despues di un corto presentacion musical e Maestro di Ceremonias, Sr. Janchi Tromp lo dirigi e resto di e programa.

E introduccion di e Candidatanan pa Reina di Aruba lo tuma lugar cu su debido reverencia na cual momen-

to e Candidatanan lo subi tereno y ser escolta te na e plataforma. Despues di esaki lo tin un pausa di cinco minuut. Despues di pausa lo tin un desfile general di e Candidatanan, durante cual momento e Jueznan lo escohé e Reina di Aruba.

E decision di e Jueznan lo worde hiba pa Prins Carnaval door di su Ayudante y na e mes un instante Prins lo escolta Su Mahestad Reina di Aruba Carnaval 1955 na microfoon. Na es momento ei Sr. Gezaghebber lo corona su Mahestad.

Despues di coronacion su Mahestad lo dirigi algun palabra. Despues di e speech di su Mahestad e President di Carnaval Comité Aruba lo clausura e acto ceremonial ei como otro progreso den Historia di Carnaval di Aruba.

Awor cu porfin nos lo logra na Aruba di celebra generalmente nos prome Carnaval organisa, Carnaval Comité Aruba kier pidi un biaha mas cooperacion di un y tur pa es festividadnan por ser un Exito na beneficio di un y tur y pa henter nos dushi Isla di Aruba. Ainda tin tempo pa participa na e Gran Parada di Diamingo awor asina ta man na obra. Cooperacion di tur hende ta necesario, bao ki forma cu ta, Comerciantenan cu ayudo material y moral dunando nan aporte y cooperacion na cualkier grupo cu acerca nan pa fiamiento di auto's etc. y tambe tumando parti den e Parada haciendo propaganda di nan articulonan. Clubhan Social, Organizacionnan tur man na obra pa manjan tur hende por keda satisfecho di nos prome Carnaval di Aruba.